



Ofisi ya Taifa ya Takwimu

Simu: +255 (0)22-2122722/3
Nukushi: +255 (0)22-2130852
Barua pepe: dg@nbs.go.tz
Tovuti: www.nbs.go.tz

18 Barabara ya Kivukoni,
S.L.P. 796,
11992 - Dar es Salaam
TANZANIA.



Unapojibu tafadhali taja:
Kumb Na: NBS/S.40/21/528

YALIYOJITOKEZA

Tarehe: 08 Septemba, 2017

FAHIRISI ZA BEI ZA TAIFA KWA MWEZI AGOSTI, 2017

MAELEZO YA MBINU NA KANUNI ZA UKOKOTOAJI FAHIRISI ZA BEI ZA TAIFA

Maana ya Fahirisi za Bei za Taifa

Fahirisi za Bei za Taifa ni kipimo kinachotumika kupima mabadiliko ya bei za bidhaa na huduma mbalimbali zinazotumiwa na sampuli wakilishi ya kaya binafsi nchini Tanzania. Bei za bidhaa na huduma 278 zikiwa ni pamoja na bidhaa 97 za Vyakula na Vinywaji Baridi na 181 zisizo za Vyakula hukusanywa kila mwezi katika kila mkoa.

Mizania Mpya za Bidhaa na Huduma na Jamii na Kizio cha Bei

Mizania ya Fahirisi za bei za Taifa zimetokana na matumizi ya kaya binafsi kutoka mikoa 25 ya Tanzania Bara. Mizania inajumuisha matumizi ya kaya zote binafsi kutoka mijini na vijijini yaliyotokana na Utafiti wa Mapato na Matumizi ya Kaya binafsi wa mwaka 2011/12. Kizio cha bei kinachotumika kukokotoa Fahirisi za Bei za Taifa ni cha mwezi Desemba, 2015.

Makundi ya Bidhaa na Huduma za Jamii

Fahirisi za Bei za Taifa hufuata makundi yaliyokubalika Kimataifa yanayoitwa mchanganuo wa matumizi binafsi "Classification of Individual Consumption by Purpose (COICOP)". Fahirisi za Bei zinajumuisha makundi 12 ya mfumo wa COICOP pamoja na fahirisi za bei kwa makundi maalumu. Makundi hayo maalumu ni; 1) Vyakula na vinywaji baridi-vikijumuisha vyakula vinavyoliwa majumbani na mahotelini; 2) Nishati na Mafuta - kundi hili linajumuisha umeme na aina nyingine za nishati zinazotumika majumbani pamoja na petroli na dizeli; 3) Fahirisi za bidhaa na huduma zote za jamii isipokuwa vyakula na vinywaji baridi; 4) Fahirisi za Bidhaa na huduma zote za jamii isipokuwa vyakula, vinywaji baridi, nishati na mafuta.

Namna ya Kukokotoa Fahirisi za Bei za Taifa

Kuna maboresho mengi yamefanyika kwenye ukokotoaji wa Fahirisi mpya za Bei za Taifa ikiwa ni pamoja na kutumia wastani wa jiometa "geometric mean of Price Relatives" kwenye kukokotoa Fahirisi za Bei katika ngazi za mwanzo; matumizi ya mfumo ulioboreshwa wa ukokotoaji pamoja na mfumo mzima wa kukusanya na kuchambua bei. Mbinu na kanuni ya Lowe Index Formula ambayo ni aina ya "Laspeyres Index Formula" inaendelea kutumika kukokotoa Fahirisi za Bei za Taifa katika ngazi ya makundi makubwa.

MFUMUKO WA BEI KWA KIPIMO CHA MWAKA UMEPUNGUA HADI ASILIMIA 5.0
Jedwali Namba 1: Badiliko la Fahirisi za Bei za Taifa kwa Mwezi Agosti, 2017
(Des., 2015 = 100)

Na .	KUNDI (MAIN GROUP)	Mizania (Weight)	Agosti-16	Julai-17	Agosti -17	Badiliko la mwezi mmoja	Badiliko la miezi 12
1	Vyakula na vinywaji baridi	38.5	103.93	114.38	112.90	-1.3	8.6
2	Vinywaji vyenye kilevi na bidhaa za tumbaku	3.7	104.47	106.68	107.10	0.4	2.5
3	Mavazi ya nguo na viatu	8.3	102.89	106.53	106.41	-0.1	3.4
4	Nishati, Maji na Makazi	11.6	107.26	114.91	116.84	1.7	8.9
5	Samani, vifaa vya nyumbani na ukarabati wa nyumba	6.3	101.90	104.90	104.66	-0.2	2.7
6	Gharama za Afya	2.9	104.09	106.27	106.19	-0.1	2.0
7	Usafirishaji	12.5	100.01	99.59	99.37	-0.2	-0.6
8	Mawasiliano	5.6	99.16	98.10	98.10	0.0	-1.1
9	Utamaduni na Burudani	1.6	101.55	102.09	102.88	0.8	1.3
10	Elimu	1.5	102.66	103.41	103.43	0.0	0.8
11	Hoteli na Migahawa	4.2	104.69	104.55	104.37	-0.2	-0.3
12	Bidhaa na huduma nyinginezo	3.1	101.85	105.66	105.64	0.0	3.7
JUMLA – FAHIRISI BIDHAA ZOTE		100.00	103.28	108.85	108.46	-0.4	5.0
Makundi Mengine Teule							
1	Vyakula—vikijumuisha vyakula vilivyoliwa nyumbani na mahotelini	37.07	104.40	115.39	113.88	-1.3	9.1
2	Nishati na Mafuta—kundi hili linajumuisha umeme na aina nyingine za nishati zinazotumika nyumbani pamoja na petroli na dizeli	8.68	108.67	117.79	120.02	1.9	10.4
3	Fahirisi za bidhaa na huduma zote za jamii isipokuwa vyakula	62.93	102.75	105.64	105.92	0.3	3.1
4	Fahirisi za bidhaa na huduma zote za jamii isipokuwa vyakula, nishati na mafuta	54.25	101.80	103.69	103.66	0.0	1.8

Mfumuko wa Bei wa Taifa kwa kipimo cha mwaka unapima kiwango cha kasi ya mabadiliko ya bei za bidhaa na huduma zote zinazotumiwa na kaya binafsi. Jedwali Namba 1 hapo juu linaonesha kuwa, Mfumuko wa Bei wa Taifa kwa mwezi Agosti, 2017 umepungua zaidi hadi kufikia asilimia 5.0 ikilinganishwa na asilimia 5.2 ilivyokuwa mwezi Julai, 2017. Hii inamaanisha kuwa, kasi ya mabadiliko ya bei za bidhaa na huduma kwa mwaka ulioishia mwezi Agosti, 2017 imepungua zaidi ikilinganishwa na kasi ilivyokuwa kwa mwaka ulioishia mwezi Julai, 2017. Fahirisi za Bei zimeongezeka hadi 108.46 mwezi Agosti, 2017 kutoka 103.28 mwezi Agosti, 2016. Mfumuko wa Bei wa bidhaa za Vyakula na Vinywaji Baridi kwa mwezi Agosti, 2017 umepungua hadi asilimia 8.6 kutoka asilimia 8.9 ilivyokuwa mwezi Julai, 2017.

Mfumuko wa Bei kwa Bidhaa za Vyakula na Bidhaa Zisizo za Vyakula


Mfumuko wa Bei kwa kipimo cha mwaka kwa bidhaa za vyakula nyumbani na migahawani kwa mwezi Agosti, 2017 umepungua hadi asilimia 9.1 kutoka asilimia 9.3 mwezi Julai, 2017. Aidha, badiliko la Fahirisi za Bei kwa bidhaa zisizo za vyakula umebaki kuwa asilimia 3.1 mwezi Agosti, 2017 kama ilivyokuwa mwezi Julai, 2017.

Mfumuko wa Bei wa Bidhaa na Huduma zote isipokuwa Bidhaa za Vyakula na Nishati

Mfumuko wa Bei ambao haujumuishi vyakula na nishati kwa mwezi Agosti, 2017 umepungua hadi asilimia 1.8 kutoka asilimia 2.2 mwezi Julai, 2017.

Fahirisi inayotumika kukokotoa aina hii ya Mfumuko wa Bei, haijumuishi vyakula vinavyoliwa nyumbani na migahawani, vinywaji baridi, petroli, dizeli, gesi ya kupikia, mafuta ya taa, mkaa, kuni na umeme. Vyakula na bidhaa za nishati vina sifa ya kuwa na bei ambazo hubadilika mara kwa mara, hivyo vikiondolewa kwenye fahirisi ya bidhaa na huduma zote hubakia fahirisi ambayo ina mwelekeo imara kwa Watunga Sera.

Kielelezo Namba 1: Mwenendo wa Fahirisi za Bei za Taifa na Mfumuko wa Bei Kutoka Mwezi Agosti, 2016 hadi Agosti, 2017. (Des., 2015 = 100)



Kielelezo Namba 1 hapo juu kinaonyesha kuwa, Fahirisi za Bei zimekuwa na mwenendo imara kutoka mwezi Agosti, 2016 hadi mwezi Agosti, 2017. Katika kipindi hicho, Mfumuko wa Bei nao umekuwa na mwenendo imara kutoka asilimia 4.9 mwezi Agosti, 2016 hadi asilimia 5.0 mwezi Agosti, 2017.

MFUMUKO WA BEI WA MWEZI AGOSTI, 2017 KWA KIPIMO CHA MWEZI UMEPUNGUWA KWA ASILIMIA 0.4

Mfumuko wa Bei wa mwezi Agosti, 2017 unaopimwa kwa kipimo cha mwezi umepungua kwa asilimia 0.4 ikilinganishwa na upungufu wa asilimia 0.2 ilivyokuwa mwezi Julai, 2017. Fahirisi za Bei zimepungua hadi 108.46 mwezi Agosti, 2017 kutoka 108.85 mwezi Julai, 2017. Kupungua kwa Fahirisi za Bei kumechangiwa hasa na kupungua kwa bei za baadhi ya bidhaa za vyakula. Baadhi ya bidhaa za vyakula zilizochangia kupungua kwa fahirisi ni pamoja na mchele kwa asilimia 1.2, mahindi kwa asilimia 1.2, unga wa mahindi kwa asilimia 1.6, daga kwa asilimia 3.4, mbogamboga kwa asilimia 1.2, maharage kwa asilimia 3.2, viazi kwa asilimia 3.5 na ndizi za kupika kwa asilimia 2.4. Kwa upande mwingine, baadhi ya bidhaa zisizo za vyakula zilizochangia kupungua kwa fahirisi ni pamoja na dizeli kwa asilimia 2.2, petroli kwa asilimia 2.4 na vifaa vya kielektroniki kwa asilimia 1.6.


THAMANI YA SHILINGI YA TANZANIA MWEZI AGOSTI, 2017 KUTOKA MWEZI DESEMBA, 2015

Thamani ya Shilingi ya Tanzania hupima badiliko la Uwezo wa Shilingi ya Tanzania katika kununua bidhaa na huduma zilezile za mlaji ambazo Shilingi ya Tanzania ingeweza kununua katika vipindi tofauti. Ikiwa Fahirisi za Bei za Taifa zinaongezeka, Uwezo wa Shilingi ya Tanzania katika kununua bidhaa na huduma hupungua.

Uwezo wa Shilingi 100 ya Tanzania katika kununua bidhaa na huduma umefikia Shilingi 92 na senti 20 mwezi Agosti, 2017 ikilinganishwa na Shilingi 91 na senti 87 ilivyokuwa mwezi Julai, 2017.

MIENENDO YA BEI

Kielelezo Namba 2: Mienendo ya Bei kwa Makundi Mbalimbali ya Fahirisi za Bei Kutoka Mwezi Agosti, 2016 hadi Agosti, 2017. (Des., 2015 = 100)



Kielelezo Namba 2 hapo juu kinaonesha mienendo ya bei kwa makundi mbalimbali ya Fahirisi za Bei kuanzia mwezi Agosti, 2016 hadi mwezi Agosti, 2017. Kwa wastani, Fahirisi za nishati na mafuta na Fahirisi za vyakula na vinywaji baridi zimekuwa na mwenendo wa juu kwa kipindi chote zikilinganishwa na fahirisi nyingine. Kundi la nishati na mafuta limeonesha pia kuwa na mwenendo wa fahirisi usio imara ikilinganishwa na makundi mengine kwa kipindi husika. Fahirisi za bidhaa zisizo za chakula na fahirisi za bidhaa zisizo jumuisa chakula pamoja na nishati zimeonesha mwenendo wa bei ulio imara.

Jedwali Namba 2: Shajala ya Fahirisi za Bei za Taifa kwa Miezi Ijayo

Fahirisi za Bei za Taifa	Tarehe ya Toleo
Septemba, 2017	9 th October, 2017
Oktoba, 2017	8 th Novemba, 2017
Novemba, 2017	8 th Desemba, 2017

Mawasiliano: **Mkurugenzi Mkuu,**
Ofisi ya Taifa ya Takwimu